

西北農刊

中華郵政特准掛
號立券之報紙中
華民國十四年十
一月十三日發行

羊 羣



西北地面遼闊，水草豐富，為世界最良牧場，蒙人牧羊輒數千計，獲利甚大，此在張垣互市之羊羣也，每頭價五元至九元不等，

●第一卷第十期要目

- 影片 羊羣
- 研究 組織新村之研究
- 評論 為蒙回藏進一解
- 譯著 察綏兩區事業之將來(續)
- 調查 綏遠農墾調查記(續)
- 講演 本所講員赴甘宣講報告
- 特載 籌辦西北墾務大綱(續)
- 政聞錄 察區改良風俗之積極進行
- 大事記 國內大事記，國外大事記
- 雜俎 詩，格言，詞，歌，雜錄
- 叢談 西北風俗談(續)

●本社啓事

本刊徵集西北風景名勝古蹟照片迭承 各界慨贈多枚勝蹟濛濛期共欽賞雅人韻事感
謝奚似仍盼各界有此珍藏或臨時攝照者多多惠寄藉公同好本社當奉贈 敝刊用答 雅
意禱切盼切

祝詞

祝詞一

西北邊防督辦公署航空處處長鄧建中

五寸毛錐。千竿矛塞。義秉春秋。功施西北。無黨無偏。有物有則。振聵發聾。辨感明德。一角晨光。
萬年竹帛。

祝詞二

開封道道尹孟廣澎

西北大陸。延亘無邊。磅礴元氣。歷久未宣。疇其啟之。實賴斯刊。發揮詳盡。考證精嚴。富強政策。
莫此爲先。採擇施行。矚望大賢。邦人君子。請拭目觀。斯刊不朽。民國萬年。

祝詞三

綏遠道尹鄧長耀

西北天府。夙稱特區。物產豐富。政教覃敷。猗歟貴刊。文化灌輸。開發地利。啟蒙鑰愚。輔治宣化。
名與實符。凡百施設。彙爲一書。洛陽紙貴。字字珍珠。群流共仰。宏此訃謨。開誠公布。不限方隅。
治邊要策。此其權輿。

研究

●組織新村之研究

廷璋

今日西北榛莽初闢。當局正提倡新村式之農墾。而各省均憬然於非勞働不得食之趨勢。亦皆爭先負耒北上。愿受一廛而爲氓。此正同志連袂組織新村之時也。集百戶領百頃地而耕之。則通力合作。黽勉不息。盡百頃之所產。以贍百戶之所需。不虞過奢。亦不嫌過嗇。但村政宜如何舉辦。始克使老幼男女各得其所耶。

曰人之首務在謀食。謀食則宜組生產合作社。有農產公會購機器以代鋤犁。購智利硝石以助糞料。更求改良穀種。則五穀不憂不足。有森林公會立苗圃以廣栽植。嚴山禁以防斬伐。兼有果實纍纍。則山林之利不爲不大。有畜牧公會利用隙地以爲牧場。調護牲畜俾得繁息。再求改良品種。則牛羊之利必不可勝言。有工業公會設工廠以製罐頭食物。毛物織皮衣服。使婦女平時皆有專業。男子農隙亦可兼營。則物品出賣。獲利亦當不貲。此四者全村所應合力經營者也。

生產有利可圖。消費則無從取償。故村民宜組消費合作社。以圖節省。有一二飲食店縫紉店。則婦女不必皆以烹飪縫紉爲職。而可從事於他。有百物販買所。則不必家家往城市購物。價值運費可以略減。有器具修理所。則舍繁難精巧者外。本村男女亦可就近爲之。此等事業。若均由各戶集資經營。則餘利自歸各戶攤分。與各生產事業同。惟當注意者。消費之奢儉。純繫各人之自由。不能強其一律。蓋機會平等。而能力不平等。則報酬應不平等。其享受消費又烏得平等乎。

介乎買賣之間。而以金融流通爲事者。曰信用合作社。受村民之儲款。而予以利息。保人壽財產險。而人亦納保險費。雙方交利。莫此爲甚。中國農夫典質借債破產者。往往有之。倘銀行相人之能力。遇有担保。而肯以輕息貸款。並監察其用途。則農夫雖愚。必不至自陷於困窮。誠實農夫所以借款者。或因物產未售。而一時需款。非眞貧也。倘銀行肯代售其物產。不似奸商乘機盤剝。則物產即可爲借款担保品。况貨貴居奇。早賣則價賤。多財善賈。獨運則用費多。然則信用合作社。除設法儲蓄保險借貸外。並集全村之出產。而相機高價賣之。不亦善乎。不關貨物金錢。而人已兼利者。交通水利團練衛生諸事是也。新村廬舍建於百頃適中之地。

則道路四通八達。注意闊。始便於行車。注意高。始能免泥淖。修橋備燈。猶其餘事。水利關係農林畜牧甚切。西北旱涸尤非灌溉不爲功。故開溝渠。濬池塘。非設水利局不可。西北地處邊徼。人煙稀少。姦宄竊發。時或不免。故壯丁以暇日習武。則不可不有團練局。防盜賊易。防病菌難。病菌爲患隱而殺人更烈。故衛生局不特宜注意建築與空氣光線之關係。且宜立浴池。清道路。滌溝瀆。掃庭院。滅鼠蠅。禁烟酒。檢查食品。尤宜精密。此數者皆可由全村組織公益合作社以爲之。

不爲己而純乎爲人者。有慈善合作社。設療病院。不取醫費。設孤老院。厚其衣食。設殘廢院。教其工作。獎勵寡婦之法。雖可廢。優待產婦之例。則可開。設消防社以防火。設救生局以拯溺。均可以行。人死貧不能葬。則施棺木亦可。獨以餓米賙濟乞丐。則新村中不應有之。蓋各人勞動得食。應無一貧至此者。縱設義倉。性質又異。凡公益事業。經費可令各戶分擔。慈善事業。則不如募捐或籌公積金也。

且人有衣食不足。更願有學識。已有學識猶不足。又願子孫學識更優。是故新村不可不有教育合作社。開辦農村學校。以教授自然界及農村必需之知識。並命其躬自實習。以體驗之。非

徒學校而已。並宜附設博物館。圖書館。閱報社。以供全村男女瀏覽。學校亦宜開懇親會。游藝會。運動會。雄辯會。成績展覽會。以引起其興趣。凡星期日。全村之民齊集大會廳。講演科學時事。人生各種問題。形式雖如禮拜。而功效則高出禮拜之上無疑。

舉各正務而一一行之。功德圓滿。中心固甚愉快。然疲勞之後不可不有娛樂以慰藉之。中國昔日農村娛樂。每耗金錢時間。而於風化秩序又甚不佳。故新村宜有娛樂合作社改良之。並採行西人娛樂之法。開茶話會。音樂會。遠足會。設電影場。化裝講演。戶外運動則騎射蹴毬。戶內游藝則圍棋彈子。雅歌投壺。皆必先有暇時然後可。故全村男女每日工作不宜過長。星期日亦宜照例休息。疲勞恢復。則他日作工。必將感人生樂趣而效率更增。此徵諸事實而不謬者也。

合作社之組織。無非以團體勞動爲主旨。團體生活乃人心理之要求。勞動生活乃人生理之要求。蓋人性合羣。獨居則不樂也。人體好動。枯坐則不適也。獨居枯坐。豈惟不樂不適。久且生病焉。新村之民。生活於合作社中。優然自得。不知老之將至。其能繼許行與渦文之志與否。吾且馨香禱祝以求之。

(完)

評論

●爲蒙回藏進一解

張惠隆

嗟嗟中國至今日危殆極矣。外人方逞其帝國主義。以迫壓我民族。侵占我主權。其虎視狼貪之惡獸。蠶食鯨吞之毒謀。日甚一日。誠有不堪設想者。中華既爲五族民國。自當共起力追。同聲呼救。方足以伸國威而資保存。然而內地各省。其民智日開。民情日奮。且有外國各種商務互相牽制。當此改革軍政時代。彼族雖強。尙略有所顧忌。不敢輕於一逞。故自滬漢沙渝慘案相繼發生以來。各省人民。羣興憤激。奔走呼號。力圖救援。不至實行廢除不平等條約。關稅改歸自主。撤消領事裁判之主張不止。而西北之蒙藏。沉寂如故。不聞慷慨發言。爲一洗斯辱者。卽令內地回民。發起滬案後援會。而能力不濟。亦付諸莫何。且查蒙藏各地。多任英日等國。挾其威脅利誘之手段。陰謀侵占。爲日已久。其隱禍較之滬漢沙渝各慘案爲尤甚。蒙藏既爲五族民國之人民。應如何激發天良。大加覺悟。羣起抵禦。不得自棄責任。甘受列強之欺壓。以破壞我國藩籬。致貽他日亡國滅種之禍。乃蒙屢唱獨立之名。藏亦徒假自治之說。漢族迭與商

辦防務。彼反疑懼不與合作。不誠大愚乎。至於新疆青海及各邊地之回民。亦多拘泥教典。少識漢字。不知國家爲何物。爲今之計。蒙藏等族。須知丁此世局。文明互競。各國文字。均須通曉。民國既合五族爲一家。對於漢文。更宜互相研究。以通聲氣。除於蒙藏各處。宜多設漢文學校。開通智識外。並多選聰穎子弟。入漢地求學。學有程度者。更賞遣外洋遊學。回族亦按照辦理。庶幾文明大啓。對於外侮。自知利害相關。共同抵禦矣。否則執迷不悟。故智自封。恐爲印度波蘭安南朝鮮之續。至受亡國慘後。始悔當時之不自振作。不加防禦。爲已無及。至於漢人。對於蒙回藏各族。亦宜開誠布公。聯絡感情。實行五族共和國之真意。無論何族人民。均有選舉總統之希望。均有應盡國民之義務。不得用懷柔政策及高壓手段。民國既爲五族共和之民國。所有各種大權利。大位置。應公諸五族。當由蒙回藏各民族。推選深明漢蒙漢回漢藏情勢。有名望學識者若干人。共襄國是。卽謂蒙回藏少通人。亦宜量其才能。酌予位置。高其權限。厚其薪賞。時與之商辦國防大計。中央政府。更宜選派相當人物。分赴蒙回藏各處。與之協商進行防禦方法。如此平允辦理。使五族人民融會一堂。交相親愛。絕無一點猜忌偏枯之失。乃足以資聯絡而收實效。五族民國庶有豸乎。抑吾尤有進者。當此改革軍政時代。國雖名爲共和。

而人究互相私爭。始則南與北爭。北與南爭。繼則南與南爭。北與北爭。今則各爲其地盤而爭。各圖其權利而爭。各逞其意氣而爭。中國二十幾行省。無所不用其爭。吁。漢族尙多爭矣。遑問蒙回藏各族乎。今欲使五族息爭。惟有當此外患危迫之時。立召各省及蒙回藏軍政代表。與五族國民代表。同時赴京會議。以救國安民相敦勸。以息爭對外相警告。一切大計劃。大方法。由各省及蒙回藏代表提出。悉聽五族國民代表公決。如有私相擾亂。不顧公義者。國人共起而攻擊之。無使大好河山。沉沒於羣雄分割之下。斯爲策之上者。否則內爭不息。而強言以禦外侮。吾恐愈鬧愈壞。中地永無安寧之一日。而何論乎蒙回藏。

(完)

譯 著

●察綏兩區事業之將來 (續)

覺生譯

四 林 業

察綏兩區地方。本無可稱爲林業者。然由山林原野可以採集之植物。亦非完全無此資源。述之於次。

(一) 蘑菇 長城外出產之菌類。謂之口蘑。(口外蘑菇之意) 蘑菇晒乾。運銷於中國本部。以供膳用。足稱珍品。察哈爾八旗西營及其他各地。爲著名產地。而張家口爲其主要集中地。

(二) 藥材 動物性之藥品。有鹿茸麝香等。植物性之藥品。則有甘草紅花等。

(三) 木料 察綏兩區。童山到處皆是。本來缺乏森林。造林事業。爲當今急務。然陰山一帶。森林不少。其中如烏拉嶺(陰山之一部。在包頭之西。五原縣之北)之山陰。扁柏。紅松。山榆等類。林深箐密。其中大木。達數十抱。論其用途。則作建築材料。或製枕木。均無不可。前清光緒初年。老樹發火。無人救滅。延燒數月。材木之富。可以想見。今其森林。東西尙七百餘里。南北數里。至數十里。蜿蜒蒼蔚。尙不失爲大觀。惟此處森林。在烏拉特部內。蒙人迷信甚深。不許採伐。其王公等。且特禁止入山採木。中國本部人民。夙所垂涎。清乾隆中。曾有某商人賄通綏遠城寶將軍之妾。僞造將軍公文。採伐紅松。蒙人大憤。訴之山西巡撫。奏劾寶將軍。置之於法。又光緒年間。貽穀將軍亦受商人之賄。許其採伐。被人彈劾。準此以觀。其森林之富有價值。不待繁言矣。搬運此地木料。可利用五原縣屬之溝渠。下泛黃河。費廉而便。將來有莫大利益之業也。惟有最要之一事。卽須得蒙人之諒解。方可免除困難也。

五 礦 業

察綏兩區礦產。爲鹹（卽曹達）鹽（由湖水中製取）石綿、沙金、雲母、石炭等。種類不少。而石炭佔重要位置。

（一）石炭 兩區內產炭之地。遍於各處。最著名者。爲陰山山脈（大青山）之炭田。據中國農商部地質研究所之調查。該處炭田。蘊藏之富。達十億噸。炭質有無煙者。有半帶煙者。有有煙者。其有煙者。大抵皆成塊狀。塊炭通常成塊者十之八。而粉末佔十之二。色黑饒有光澤。風化較難。着火最便。又富於粘結性。以製焦煤。最爲適宜。其地炭田。在侏羅系之沙石中。露頭已現出者多。地中部分。通常七層。土人稱第一層爲葉渣。厚一尺上下。第二層曰老渣。厚四尺左右。中間約夾雜頁岩一尺。第三層曰中大渣。厚六尺乃至十尺。中間亦有厚數寸之頁岩。第四層俗稱四尺渣。厚約四尺。第五層俗稱化石渣。厚與四層等。約四尺。中含頁岩。第六層俗稱二尺渣。第七層今尙未得其詳云。土人開採。大抵止及第三層而已。

炭坑所在。星羅碁布於包頭東北數十里者。爲喇嘛溝、大羊腸溝、小羊腸溝、五當溝、頭道溝、白虎子二道溝、石拐子溝、巴圖溝、小澗溝。五原縣附近。則在烏蘭腦包、營盤溝、狼山灣、萬和長。土

默特部。則有萬家灣、山西灣、廟渠子、旺光窯、珠爾溝、黑牛溝、摘懷溝、阿刀演、三路道壩、巴總窯、寬店子溝、斗林沁、前壩溝、鄂博窯、河灘窯、二里半溝、三道溝、各寅圖、刀口溝、磨石架、白草溝、井子溝、等。礦區有屬漢人者。有屬蒙人者。亦有官有者。在此經營礦業者中。規模稍大者。爲漢南公司、濟昌公司、祐塞公司等。概在包頭東北六十里之喇嘛溝。從事採取。皆用土法。完全舊式的經營。一穿水胞。其坑卽廢。蓋無抽水設備。不完全之極者也。且其地交通不便。除以騾馬運送之外。別無方法。故今日所得之利。都不甚大。若能多投資本。利用機械。並築輕便鐵道。以便運輸。其成績當更能優良也。

鹹產亦散在各地。甚爲豐富。詳工業條下。 (未完)

調 查

●綏遠農墾調查記 (續)

曾雄鎮

九、畜牧

綏遠地面遼闊。空氣乾燥。(故少瘟疫。)水草豐富。最宜於畜牧。蒙人不事農墾。(邇來較開

化之家。亦有僱請漢人農墾者。然爲數尙甚少。與工商全賴畜牧以資家用。蒙人畜牧。不建畜舍。無冬無夏。或雨或雪。牲畜皆置於露天之下。間有一二經營較爲改良者。夏季周圍作柵欄。冬季上面架柵蓋。皆不備飼料。終年放牧。每日驅之水草豐富之地。日夕收回。習以爲常。冬季野草被冰壓雪蓋。牲畜飢不可耐。以嘴唇推開冰雪。嚼食枯草以充飢。有時肌寒交迫過甚。牲畜往往有順風疾走。葬送於冰雪中而倒斃者。亟宜兼事農墾利用農作物。預儲飼料。以免此項偉大損失。蒙地牧場寬廣。法律森嚴。（凡偷牛盜馬及各種牲畜者殺無赦。）縱有虎狼以害牲畜。然飼養惡犬數隻。即可保護無虞。故管理放牧極爲容易。牧人多騎馬。然步行者亦有之。每人能放二三百頭不等。綿羊一年一產。每年剪毛二次。大羊每隻可得毛三斤餘。共值一元上下。小羊每隻可得一斤至二斤。毛價較貴。亦可值一元上下。以羊毛所得。卽能敷管理者之各項開支。而母羊所產之羔。實爲經營者之純粹利益。一齡羊約值二三元。二齡約值四五元。三齡五六元。四齡約值六七元。畜牧中以綿羊最普遍而最有利。駱駝爲西北特產。食草。三年一產。每駝年可剪毛四五斤。每斤值銀四五角。駝力絕大。能負重五六百斤。日行七八十里。性最溫柔。呼臥則臥。呼起則起。一聽吾人之指揮。以便裝卸貨物。旅行時馭人騎駝背。

每人能馭十數隻。西北搬運貨物跨峻嶺。越沙漠。惟駝是賴。駝壽命七八十年。每駝能值銀七八十元。有至百元者。牛二年一產。（俱爲黃牛。無水牛。）毛密而長。蓋綏遠氣候寒冷。牛不得不生此毛以適應環境也。牛種甚雜。有無角者。有長角者。有角能搖動而常垂者。綏人以牛耕田拉車。役用甚苛。而給料甚薄。故綏區肥牛。實難多見。若不設法改良。牛種將愈劣矣。馬一年一產。（馬本二年一產。蒙地每於母馬產後十二日。卽令與牡馬交配。翌年能再產。）體格短小。而耐勞苦特甚。故蒙馬著名於世。價值以善走者（所謂『走馬』是也）爲貴。以體相等。貌相若之馬。善走者價百餘元。否則四五十元而已。而負重致遠。非騾莫屬。普通馱運。驢亦勝任。現蒙馬毛色龐雜。體格過小。亟應由國家力量。設法改良。蓋馬種之優劣。與國家之強弱有關。不可與普通之畜牧事業並視齊觀也。又綏人飼馬最多。各印相當記號於馬身。以資識別。其法卽用尖銳鐵片燒熟。於馬身上劃一記號。日後馬毛長出。卽現出所劃之記號。法雖善而事則慘矣。畜牧副產利益亦甚大。畜糞收集成堆。乾後可充燃料。倘用爲肥料。利益尤大。羊乳牛乳。蒙人和茶用爲日常飲料。或製成乳皮乳餅。尤爲上等禮物。總之西北畜牧利益之大。遠在他事業之上。故蒙人生計異常寬裕。普通婦女裝飾品。在三四百元以上也。漢人除務

農經商之外。兼事畜牧者亦甚多。管理方法較爲進步。羊有圈。（四時仍在露天之下。）牛馬有舍。冬季給以飼料。其他均與蒙人同。又漢人養豬甚多。略給殘餘食物。或油餅酒糟及穀糠等。仍以放牧爲主。晚間令居於土崗或土屋之內。獲利亦甚大。如武川縣近郭福如東村王可三君家有資十數萬者。卽由養豬而來也。惟綏人雖有此天然佳良牧場。惜管理粗疏。利用乏術。以致利未大著。應改良者約有數端。第一畜種龐雜劣下。甲、須擇優繁殖。乙、兼購國內外良種交配。以資改良。第二牧場須多栽樹林。俾夏有濃蔭。冬避風沙。第三牧場須分區放牧。且多種牧草。第四各種牲畜須有畜舍。第五須有公共獸醫所。治療獸疫。第六利用方面須設立工廠。如毛織廠。黃油廠。罐頭廠等。以上第一第二第三第四各項。農人自行組合。卽可實行。第一項中之乙條及第五第六等項。須由國家力量設置。農人須竭力輔助以成之。果爾西北畜牧事業之發達。可執世界牛耳。且非誇言奢望。而可拭目俟之也。

（未完）

附記英國和記洋行在武川縣淖爾梁竊牧羊羣之現狀

畜牧利益之大。已如前述。惟國人多不注意。外人得乘機攘奪。彼英國和記洋行。前在察綏兩區。以賤價購買羊隻。獲利絕大。猶復貪心未已。更在外蒙購羊數萬頭。僱華人百數十人擇水

草豐富冠於武川之淖爾梁地。任意放牧。幾不知此地尙有中華民國之主人翁在焉。茲將該公司牧羊現狀略述如下。

1. 地點 武川淖爾梁周圍。

2. 組織 掌櫃一人。庶務一人。雜務五六人。牧頭一人。牧夫百餘人。皆華人。由華人與該公司有關係者介紹而來。均由英人直接指揮。月薪十六元至四十元不等。

3. 羊數 共二萬五千餘頭。分散數處放牧。計黃後灘有羊六千頭。灘西有羊八千餘頭。黃花溝有羊六千頭。他處合有羊五千頭。以五百羊爲一羣。二人牧之。（英人自知侵權非法。深恐西北當局沒收。對吾等所說羊數。恐尙非實數。）

4. 飼養方法 飼法與土法無異。惟冬季每日每羊給油餅五六兩。使羊腹飽溫高。增加耐寒力。四五日給塊一次。每羊約五錢。

5. 疾病 有痢疾。腹脹。頸脹等病。

6. 利益 羊毛足敷開支各員薪金。母羊每年產一羊羔。乃爲純粹利益。（按羊病甚少。縱有死亡。皮肉仍可售價。）

以上由該公司僱人自牧者。此外尙有購羊交人領牧者。其法由該公司購來羊種。交與土人領牧。全年每羊給工價一元三角。塊與飼料皆由該公司担負。羊毛羊羔統歸公司所有。倘有死亡。羊皮亦須交與該公司。外人牟利。可謂無微不至。馮督辦已下令沒收。該公司雖設法求情。不久自仍根本解決也。（未完）

講 演

●本所講員赴甘宣講報告

此表係本所講員馮君靜山王君輔臣所報告。此次由所出發至包頭。再由包頭起。沿途講演。直至甘肅寧夏。費時二十二日。路經一千二百一十里。講演凡十九次。宗旨在宣達西北政情。灌輸世界潮流。啟迪人民智識。並附帶調查鄉村各種情形。以爲當局施政之參考。（調查表容續披露）查西北實在情形。外埠各報多莫明真相。得此亦稍窺見一斑矣。特爲刊布如次。

編者附誌

宣講報告表

講 演

一五

講演

地縣盟
旗局

名市鎮

講題內容

講演時間
會場
聽講人數

効

力

助講
或介紹人

各方感想若何
日期

五原縣

土哈麻井

馮督辦練兵主義並解釋

此次入甘本旨，以免人

民誤會

半小時
在店內
四十餘人

聽者久知國民軍軍紀嚴

明，為地方與利除害，

經講演後，更為慶幸得

見天日，

村社

管賬

張彥

廷先

紹生

願國民軍常駐勿去

十四年九月十三日

五原縣

台

馮督辦練兵主義，及人

民受教育為應盡義務，

廣興民學校使兒童皆入

學，

一小時
在店中
三十餘人

聽者異常注意，咸點頭

贊仰，

甲長

賈二

撓招

集聽

聽者均言本年全無

匪害，悉馮督辦所

賜，誠撥雲見日也

九月二十四日

大余太設治局

本

馮督辦練兵主義，與軍

行入甘原因，及吸食鴉

鎮片之害，

四十分鐘
大街
五十餘人

聽眾咸眉飛色舞，對於

鴉片，相約懲前毖後云

助講人綏遠輔戴，對於鴉片之害

異常恐懼，

張君演員

希聖

九月二十五日

四 櫃

本 村

馮督辦練兵主義，

時 半小
在兵站處
餘人

聽衆咸歡容靜聽，贊仰國民軍態度和平，爲從來所未有也，

甲長 李宏 君介 紹

從前西軍強暴騷擾，現國民軍和平有禮，皆狂喜相慶云
九月二十日

五 原 縣

城南 盛長 橋東 街

馮督辦練兵主義，

時 一小
露天
餘人

聽衆皆異常稱贊，

無

聽衆素歡迎國民軍，但咸不知練兵主義，聽講後，更額首相慶昇平，
九月二十七日

五 原 縣

楊福來村

國民軍之軍紀可風，

時 一小
兵站
十八人

聽衆均言國民軍到處歡迎，口碑載道，聽講後更爲了解國民軍宗旨矣

無

從前軍隊過境，商民避徙一空，今國民軍所至，反來相接親近，
九月二十日

講 演

五原縣

馮督辦練兵主義，並勸告國民應知愛國及亡國慘狀，

四十分鐘
小學校內
二十人

咸知軍隊為立國所必須，愛國為人民之天職，

甲長趙君富貴十分熱心招待

聽眾醒悟，均點頭稱是，

九月三十日

臨和設治局

馮督辦練兵主義，滬漢粵各案真相，實業，教育，為救國之本，

一點半鐘
兵站處
二十餘人

本地知識階級尚多，對於所講咸能領悟感動，尤崇拜馮督辦人格，

李增榮楊春林二君介紹

咸希望實業發達，解決生計，教育發達，兒童有讀書機會，

十月一日

臨和縣

馮督辦練兵主義，土地為立國三大要素之一，不可輕與外人，（該地

一小村中三十餘人

聽眾頗知覺悟，

無

聽眾咸知外人陽假傳教之名，陰行竊據之私，以後再不

十月二日

教堂侵佔蒙地百餘頃）

受其愚弄，

甘肅平羅縣

補隆源

馮督辦練兵主義，

五十分鐘處兵站
四十餘人

聽衆俱能領畧講意，

無

聽衆言國民軍紀律
嚴明，與甘軍較有
天淵之別，誠甘人
將來之幸福也，
三十日

平羅縣

天泉

馮督辦練兵主義，信教
在信真理，不可受外人
愚弄，斷送尺寸土地，

一小教堂
四十餘人

聽衆咸愛戴國民軍，並
了解外人傳教野心，

介紹人教會
長保君

咸知國民軍宗旨在
衛國保民，信教信
真理，決不受外人
愚弄，
十四日

澄口大街

馮督辦練兵主義，

半小時
大街
五十餘人

國民軍所至，秋毫無犯
，居民甚覺稀奇，聽講
後始知馮督辦練兵目的

無

對於國民軍十分歡
迎，
十六日

講演

平羅縣

士營子村

馮督辦練兵主義，鴉片之害，

時半小
地宿營
餘四十人

聽衆無不贊稱，

無

對於鴉片之害，均知覺悟，

十月十日

平羅縣城

馮軍之軍紀，及馮督辦發展西北之政見，

時一小
市外南門
橋餘一百人

聽衆十分欽佩馮軍紀律，尤贊成馮督辦政見，無咸云太平有日矣，

昔甘省回漢失和，屢起紛爭，馮督辦爲政，五族一家，聽衆咸愧從前胸襟狹小，

十月十一日

平羅縣

李哥舖

馮督辦練兵主義，

時半小
街中
餘三十人

聽衆皆贊仰國民軍紀律嚴明，教育良善，

無

曩受甘軍蹂躪，人民敢怒而不敢言，國民軍來，害已除而利可興，

十月十二日

寧夏縣城

前 馮督辦練兵主義，解釋
街 回漢之隔閡，

時四小

鼓樓 東西每次
街南大三
街北三百
大街 餘人

聽衆對於國民軍咸稱贊
不已，回漢仇視，皆感無
歎稱愧，

商民皆云得見天日
，望留一部分國民
軍常駐寧夏，保護
地方，
十月十五

特 載

●籌辦西北墾務大綱(續)

第六篇 第一期 創設各種試驗場辦法

第一條 各種試驗場與墾務相輔而行。爲必不可少者。應行規定如左。

一 農事試驗場

二 林業試驗場

三 畜牧試驗場

第二條 農事試驗場。於察綏兩區適當之地。各設一處。面積以十頃至二十頃爲限。先行試

特 載

辦。逐漸擴充。須氣候溫和。地勢平坦。土質肥沃。水流便利之地爲合用。

第三條 農事試驗場應辦事項。爲觀測氣候。化驗土質肥料。試驗農作物及園藝作物栽培方法。散布優良種籽。改良土質及農具。防止蟲病害。制造農業副產物各事宜。試驗成績。須以文字圖畫講演各法宣布之。

第四條 農事試驗場。建築房屋。購辦儀器。書籍。種籽。器具。等開辦費。概算爲兩萬元。常年經費一萬二千元。或就察綏兩區原有之農事試驗場。以此經費加以擴充。

第五條 林業試驗場。於察綏兩區適當地。各設一處。先行試辦。逐漸擴充。須氣候溫和。土質佳良之地爲合用。場內先設苗圃。其造林所需山地。另行擇地備用。

第六條 林業試驗場。應辦事項。爲培養苗木。分配種籽。試驗木林。製造木料並副產物。以及實地造林事宜。試驗成績。應以文字圖畫講演等方法宣布之。

第七條 林業試驗場。建築房屋。購辦儀器。機械。書籍。籽種。等開辦費。概算爲一萬二千元。經常費概算爲六千元。或就察綏兩區原有之試驗場。以此經費加以擴充。

第八條 畜牧試驗場。於察綏兩區。擇適當地各設一處。以水草豐富。地勢平坦之處爲適宜。

第九條 畜牧場中飼養家畜爲駱駝、馬、牛、羊、豚、鷄及其他有用動物。

第十條 擇購國內外各地家畜名種爲種畜。以供改良本區家畜之用。並擇其適於本區風土氣候者。廣爲繁殖。以期實收改良之效。

第十一條 畜牧試驗場。除試驗前條事項外。並試行栽培牧草。及製造畜牧副產品。（例如製造黃油、罐頭、牛奶、罐頭肉等物。）

第十二條 開辦畜牧試驗場。所需地基。應劃地五十頃以上。其建築方法。購辦種畜機械等開辦費。概算爲二萬元。經常費概算爲一萬二千元。或就察綏兩區原有牧場。以此經費加以擴充。

第十三條 以上三種試驗場。應用詳細計劃及概算細目。於開辦前另訂之。（第六篇完）

政聞錄

●察區改良風化之積極進行

設立風化改良審查委員會審查有關風化之習尚及戲曲

特載

張垣設總會各縣設分會鄉村由區長團總村正警察負責

西北種族複雜。信仰各殊。加之風氣閉塞。習俗尤各不同。自馮督辦蒞任後。力圖革新。成績昭著。近察哈爾各機關。更以欲求改良。必先從審查入手。特組織風化改良委員會。一以審查固有之遺傳風俗。藉資參考。一以審查現有關於風化之宣傳。杜絕流弊。誠正本清源之善舉也。現正積極辦理。簡章如左。

(一)宗旨 本會以審查一切有關風化之習尚及各項戲曲。使之遷善改良。俾無害於社會道德爲宗旨。(二)組織 本會設總會於張垣。設分會於各縣。總會由政務廳秘書廳道尹公署。警務處教育廳審判處聯合組織之。分會由各縣縣公署。教育局。暨警察所聯合組織之。各鄉區由分會派員會同區長團總村正副警察負責審查。(三)職員 總會以教育廳長爲委員長。審判處長爲副委員長。政務廳長興和道尹警務處長秘書長爲委員。並專聘主任幹事一人。事務兼書記一人。駐會辦事。上列各機關各派兼任幹事一人或二人助理。其辦事細則另定之。分會以縣知事爲委員長。教育局長警察所長區長團總等爲委員。其辦事細則由各縣自訂。但須報告於總會。以備查核。(四)任務 委員長主理會中一切事務。並爲會議之主席。副委員

長協助辦理。但委員長有事故時。副委員長代理之。委員協助委員長辦理一切事務。共同担負審查之責。(五)事項 本會審查事項。如禮俗、慶弔、社交、服裝、纏足、辮髮、娛樂、迷信、廟會等一切習俗及戲曲、小說、圖畫、電影、畫片、野台戲、西洋景、鼓詞等各項遊藝。均包括在內。(六)審查分左列各項。(1)搜集材料 凡關於戲劇小說風俗習尚等材料。應廣爲搜集。以備審查。(2)實地調查 總會及分會所在地方。應商承警廳或警察所長。派遣警察前往各劇園廟會及娛樂場所書肆調查。(3)報告次第 各鄉區須將審查事項。報告於各縣分會。各縣分會須報告其審查事項於總會。由總會彙集各項。詳密審查。擬定改革辦法。呈請都統核准施行。(七)獎懲 關於審查事項應行分別獎懲時。由委員會擬具辦法。呈請核定施行。(八)常會 每月常會暫定二次。爲二日與十七日開會。時間臨時酌定。特別會隨時召集。會所暫定區立圖書館內。(九)經費 總會每月總計各項用費。計主任幹事一員。月支六十元。庶務兼書記一員。月支二十元。夫役一名。月支八元。印刷費辦公費購置書藉及各項雜支。約需四十元。共需一百二十八元。實報實銷。分會經費。由各縣酌量情形。就地籌措。但每月開支。不得過百元以上。(十)本簡章自呈准 都統之日起施行。

(完)

大事記

國內大事記

嘯巖

十月三十一日●各國對關稅自主之態度○關會第一委員會第一次會議。各國對於自主問題之態度。各代表均有表示。大概日比美三國原則上贊成自主。而尤以比之態度為明瞭。他若法代表則斤斤於華府會議之規定。似不肯越雷池一步者。其餘最曖昧者為英。謂須待本國之訓令始能答覆。瑞典挪威與英幾取同一態度。●徐州戰事開始總攻擊○奉聯兩軍。各以主力軍。在徐州夾溝固鎮一帶及海州等處開始總攻擊。連日戰事。均甚為激烈云。

十一月一日●鄂省議會宣佈中立○湖北省議會開會議決。宣佈中立。謂上年時局不靖。本會會聯合各法團籲懇省政府。並通電宣告國人。以保境安民為主旨。今歲旱災奇重。赤地千里。民間疾苦。十倍於前。自應仍本前旨。貫徹初衷。除咨請省政府切實施行外。謹佈輿情等語。●河南團體力爭關稅自主○河南各法團致電關稅會議籌備委員會。力爭自主。言詞最為激烈。謂吾民所希望於關稅會議諸委員者。當該會議開幕時。立於正義公理之神之前。以國民之名義。歷數彼帝國主義者貪狠殘暴之狀。宣言八十年來一切不平等關稅協定條約。完全無效。中華民國之關稅。從此以後。完全自主。此外不得議及其他一字。諸委員如違背吾民等希望。違背此等命令。即以甘心媚外賣國求榮論罪。吾民誓不寬貸諸君也。謹此預先電達。伏祈上念祖國淪亡之痛。下憐子孫牛馬之苦。各憑良心。強硬主張。是所至

禱等語。●靜心齋會議後之進行○國民鎮威兩軍代表在北海靜心齋開會。雙方代表共到七人。政府方面曾毓雋、姚震、鄧漢祥亦在座。對於北方和平之根本辦法。國民軍提出廊房落堡高碑店等處奉方增兵掘壕。應由國鎮兩軍派員。并請中央派員率同前往查勘。制止此項軍事動作。衆議決贊成。

二日●美正義會對華主持正義○美國對華正義委員會。致函願理治總統。促請美國政府完全恢復中國自主權。同時并將駐華之美國軍隊撤回。中國領海之美國戰艦亦須撤回。●古巴華僑關懷關稅會議之來電。●巴華僑對於關稅會議。甚爲關懷。特來電略謂關稅會議。請中外代表主持正義。收回自主權。撤廢領事裁判權。及不平等條約。以圖我國與各國親善等語。

三日●關稅自主案第一委員會案已附條件通過○關會第一委員會第二次會議。結果關會自主案。已附條件通過。(1)中國須能於一定期內裁撤釐金。(2)須再與各國訂定一種關於關稅之新約。此次會議。英代表謂英國除實行華盛頓條約各款外。如此會議更有辦法籌畫協定。則英國代表團並願呈請其政府批准之。似較第一次措辭頗爲委婉。美日代表各提具體方案。並對於王正廷上次所提自主案原則。雖已贊成。但對於裁釐之手續及關稅自主實行期間。各提重大條件。與中國希望相距尙遠。會議前途。未可樂觀。●關會我國代表之裁釐宣言○我國代表王正廷在第一委員會第二次會議席上宣言裁釐。首言釐金妨害我國經濟之發展。次言影響工商業之不發達。末言全國上下裁釐之決心。並謂將於民國十八年一月一日以前完全實行。

四日●三方會勘防地尙未實行○國民鎮威及中央三方派員會勘防地。因奉方忙於軍事。未派出委員。故尙未實行。

馮玉祥之主旨○西北邊防督辦馮玉祥所派出與鎮威軍方面接洽時局之代表劉之龍史之照劉汝賢等。接馮氏由包頭專函。表示本人對時局之態度。請作爲與各方接洽之方案。其內容(1)始終擁護中央政府。(2)始終主張永久和平。(3)無爭奪或擴充地盤之野心。請各代表照此主張。與各方周旋。

五日●秘魯不允華僑登陸○各團禁止華僑登岸。已屢見不鮮。現秘魯國又發生不許華人登岸之交涉。秘魯代辦史悠明。電請政府設法力爭。●五機關領袖會議調停時局○參政院正副議長趙爾巽湯漪。國民會議備籌處長許世英。國憲起草委員會委員長林長民。軍事善後委員會正副委員長王士珍田中玉陳宦等。在臨時參政院議長室開會。討論調停時局辦法。(1)由五機關聯合致電奉浙當局。請先停止軍事行動。以待誠意之協商。並向張馮雙方切實接洽。務使彼此相見以誠。免除種種誤會。(2)五機關爲謀互相聯絡辦事一貫起見。議決組織聯合辦事處。以便進行。

六日●關稅自主問題在第二委員會之形勢○關會第二委員會今日開會。列國方面之態度。對於關稅自主。祇先爲原則之承認。至其決定之承認聲明。必在裁釐通過之後。先開第二委員會。職是之故。我國視此形勢。只得遷就議此自主之過渡辦法。並提出一二五案。希望在第二委員會通過。其理由(1)裁釐基金。單只二五決不敷。華府協定。已經延期三年。今昔情形大異。依此兩因。非要求列國先通過一二五案不可。是自主案與今日會議有聯帶關係。

●國外大事記

十月三十一日●波斯革命爆發○介於英俄兩國勢力下之波斯王國。反抗現朝廷之國民革命運動。忽然爆發。波斯國會爲國家之福利起見。刻以八十五票對五票之多數表決。令皇室喀加爾遜位。國務總理李查康。現被委託。依據憲

法。組織臨時政府。●法帝國主義炮燬達馬喀斯之慘劇○法國此次用大炮轟擊敘利亞之達馬喀斯城。慘無人道已極。茲有該城居民逃難至開羅者。謂該城自經法軍炮擊後。情形已不堪目睹。房屋毀壞。十居八九。人民死亡不能勝數。可以呼之爲死城。至今尸體尙有數千具在倒塌房屋之下。一監獄內有犯人一千二百名。盡數槍斃。現城中臭氣熏天。可謂空前之慘聞也云。

十一月一日●醞釀中之全世界回民大革命○法軍炮擊達馬喀斯。足已促成世界回民之大革命。阿刺伯執行委員會。發表宣言。向世界回民請願。速起援救敘利亞人民。同時並向法國提出抗議。反對法軍司令砲擊之慘暴手段。又美國芝加哥評論報駐達馬喀斯城記者報告云。阿刺伯回族人民。現積極進行。圖謀全世界回民大革命運動……其目的在將歐洲民族在非亞兩洲者。完全驅出境外。●法國新內閣組織成立○法國新內閣由班樂衛改組。已成立。閣員中急進黨十三人。社會主義共和黨五人。急進左黨三人。

二日●革命成功後之波斯○波斯總揆李查康已正式宣佈爲波斯國總統。波斯各地人民及公共團體一律慶祝共和成立。●法軍砲擊達馬喀斯城引起外交○英美兩政府均照會巴黎當局。謂應担負駐達馬喀斯之僑民在此次砲擊該地時所受損失之完全責任。并歐洲各國深恐法國以武人壓迫回民。致惹起世界回民聯合抵抗耶教運動。而起近東宗教之戰爭。

三日●法衆院通過新內閣信任案○班樂衛總揆出席衆議院。陳述大政方針。結果該會以二百二十一票對一百八十九票表示信任政府。但投信任票時。議員百八十名不出席。中百零四名係社會黨員。因該黨對於政府之用兵摩洛

哥及敘利亞極端反對。故缺席以表示與政府不合作。

四日●敘利亞法軍被困○敘利亞民軍已將達馬喀斯城附近四城及十六個村鎮佔領。現該城法軍已被民軍包圍。與外界交通完全斷絕。●蘇俄獎勵農事發明○蘇俄政府已備款二百四十五萬盧布。準備獎勵各農事機關或個人。便於耕耘方法之發明。但得獎資格。祇限於其所發明能實施於農事且能促農業發達者。

五日●回民通電全世界○敘利亞回民通電世界各地回族團體。歷述法軍砲擊達馬喀斯之慘暴。叙民目下之苦狀。請求世界回民速起援助。●希臘討論巴爾幹互障公約○希臘政府已開始重行討論前政府所進行之巴爾幹互障公約。

六日●亞洲爲世界生命起原地○美國安竹士歸自東方。宣稱第三次亞洲蒙古考古團團員。業經證明亞洲爲世界上所有生命之搖籃。安氏并謂在戈壁大沙漠中。曾發現二萬年以前人類之足跡。

雜俎

●詩

北遊雜興

重九登東太平山萬里長城

(續)

不待神仙石吐羊。白雲點點滿山岡。漢家有節令何在。小立秋風吊武皇。

山左右白雲千百成羣。遠望之如雲點點相續。

存舌

馬能生角牛反無。天公未免太模糊。觸蠻可是休爭逐。爲馬爲牛一任呼。

口外有無角牛。驟視之如馬狀奇絕。

清水河流水不清。清流到底是虛名。濁流此輩投難盡。何必潮聲訴不平。

清水河水混濁甚於黃河。堪笑清流祇虛名耳。

是否穀城黃石公。興亡閱盡血斑紅。何年天待媧黃補。整頓乾坤奪化工。

山有奇山黃紫斑駁。袖一二歸置案頭。

由上海乘法國郵船赴南洋各島暹羅等處。浹旬抵新嘉坡。沿途風月甚佳。偶成一律寄示同人。

胡元倅

已過知非歲。方爲汗漫遊。程途經萬里。事業冀千秋。海靜渾如鏡。思潮欲載舟。此行仗忠義。羣島足淹留。

南洋林君義順邀遊其自築湛華別墅。見黃克強先生丙午年手書。自撰三詞感而賦此。兼示林君。

讓君隻手廻天地。淒絕難爲後死人。今日登堂視遺墨。籠紗珍重海天春。

托克托途中口占

楊定華

一望茫無際。黃沙萬里連。天低平野樹。地曠絕人烟。芳草途中景。風塵塞外緣。浮雲圍四面。何處着鞭先。

前題

書創飄零忽十年。家貧國弱尙依然。凋殘邊塞三春意。破碎乾坤一擔肩。日麗蘼霜鋪錦繡。歲寒松柏見貞堅。浮雲世態何須問。牢守忠誠樂性天。

前題

南轅北轍壯心寒。一事無成淚暗彈。遲我十年猶未晚。中原遍地苦淒酸。

鬼王

廷璋澤

一農夫子病醫罔效。單騎入城就診於大學教授兒。乍見鬼王強之去。迨歸兒果隨鬼去矣。此德國耶納 Leis 城故事。哥特 Goethe 聞而賦之。譯此以見鬼神迷信之說。歐人亦復爾爾可晒也。

問誰單騎黑夜馳。父子相依風勁時。子在父懷安且暖。父愛子切善護持。兒何膽怯深自藏。父豈不見彼鬼王。鬼王峨冠而長袍。雲冥冥兮幻譁張。鬼呼嬌兒隨吾來。携手嬉遊樂無猜。萬紫千紅花夾岸。吾母富有錦繡堆。鬼王所約意何勤。父兮父兮寧不聞。我兒慎勿妄生疑。風吹林葉落紛紛。鬼呼佳兒隨我去。吾有女兮甘子與。日暮偕君學跳舞。輕搖曼唱樂如許。父兮父兮獨不見。鬼王之女潛伏彼處陰沉沉。兒兮兒兮吾見幾株衰柳。其色蒼蒼甚分明。愛君綺貌強君行。君不願行前路迎。聞鬼此言警告父。我隨鬼去我何生。老父駭極馳如風。兒尚呻吟左臂中。一命嗚呼剛抵舍。兒耶鬼耶萬慮空。

格言

精神不運則愚。血脉不運則病。(陸象山)

大丈夫居常常練習戎器。操揉筋骨。使吾身當風塵波濤之各種險惡。而不為所困。(擺倫)

詞

相見歡 有見

紅蓮秋雨橫塘。斷人腸。又倚明妝。一笑殢崔郎。銀漏永。睡還醒。坐蘭窗。書却鴛鴦兩字不成行。

虞美人

人生不住西風外。沒計清愁。改籬邊采就菊千頭。也是淡黃深瘦。不禁秋。多情明月無情雨。一樣傷離緒。玉纖頻自閉珠帷。付與雙雙燕子喚春回。

◎歌

戒貪色歌

漫道是芙蓉美面。佳人再得難。越是歡娛越煩腦。好月不常圓。父母遺我千金體。怎忍輕棄捐。能不貪色割私愛。方算真奇男。

戒貪財歌

自古道人爲財死。銀錢真害人。不義之財勿輕取。雖貧不算貧。請看偷人騙人的。那個能保身。莫爲子孫作牛馬。積德勝積金。

◎禽獸世界

(1) 孝義之猴

南安臘人錢某。過梅嶺。捕得一猴。歸繫庭際。猴跳躍悲號。向錢膜拜。錢曰。爾思歸耶。猴點首。淚珠如貫。錢心動。牽至來處。縱之。暗伺所往。抵一處巖懸如竇。猴趨入。錢伏窺之。中有母猴。僵臥呻吟。毛脫脂枯。奄然欲斃。猴撫摩良久。酸嘶而出。意如覓食。時際隆冬。草木凋謝。苦無得。就澗銜水哺之。錢爲測然。歸懷榛栗。投巖隙。猴出見。狂喜而躍。拾歸嚼以進母。甫進果。母猴側身能動。啾啾作聲。若相慰勞。錢歸。越半年。復經嶺上。一猴突出。獻以巨桃。視之。向所縱者也。納桃袋中。比至家。母患熱疾。勢甚篤。頗思冷飲。急以桃進。食已頓愈。齒頰芬香。竟日。人謂仙桃。爲縱猴投果之報云。

常識增刊

雜

類

尹血兒曰。嘗此汚濁之世。有此孝義之猴。雖曰猿類。吾必謂之人矣。

(格言)猴亦有勝人處

(2) 孝鼠負親

有一汽船。從紐約起。旋向葡萄芽進發。船中鼠族跋扈。嚼貨物。指行李。船員憤甚。俟船抵岸。卸去貨物。於艙中焚硫磺薰之。鼠輩無巨細。從穴逃去。被水手擊殺無算。欲盡殲其類。忽有一鼠。背負一鼠。踉蹌奔出。諦視之。則背上之鼠。年老毛白而目亦盲。殆負者之父或母也。船員憐而縱之。歐美哄傳。咸稱為孝鼠云。

古今名人德育寶鑑

尹血兒曰。余讀美國出版「近代珍聞」一書。亦載有此鼠之故事。但言其被縱後。逃至某島。未久即死。想係受傷過重所致。島中有知其事者。特將二屍併在一處。埋成一墳。並為之建一亭。名之曰孝鼠亭。立碑墓首。誌其事實。以旌其孝。而勸世之為人子者。不可使此孝鼠專美於前。致為其所不齒。則幸甚矣。嗚呼。世有妄持非孝論者。讀吾此書。亦能知所愧悔否耶。

(格言)雖小如鼠。亦有施恩於獅之日。伊索寓言

(未完)

叢談

●西北風俗談(續)

內外蒙古

我國人民食量之增減。概以緯度之高低為正比例。此或南弱北強之一原因歟。乳類有羊乳牛乳。而品名更多。乳皮牛酪。奶豆腐乳酒等。其主要者也。酒亦為蒙人嗜品之一。每入酒店。放肆豪飲。不醉不休。醉則橫臥席地。胡言狂語。恬不為怪。駝峯鹿尾。山兔野雉。則稱為此邦珍味。非宴會時不常用。(土人謂冬食駝肉能禦寒)

(未完)

嘯岩